

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-6477/20  
Sarajevo, 19.5.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

## ODLUKU

### **o izboru najpovoljnijeg ponuđača u predmetu – Izvođenje radova na adaptaciji dijela objekta i povezivanju objekta Općine Novi Grad Sarajevo i Fudbalskog saveza BiH**

#### I

Prihvata se preporuka Komisije za javnu nabavku radova i ugovor za javnu nabavku u predmetu – Izvođenje radova na adaptaciji dijela objekta i povezivanju objekta Općine Novi Grad Sarajevo i Fudbalskog saveza BiH, broj obavještenja 422-7-3-63-3-53/20, objavljeno na Portalu javnih nabavki dana 07.4.2020. godine, dodjeljuje se ponuđaču „Sela“ d.o.o. Sarajevo, sa ponuđenom cijenom za ugovor u iznosu od 67.500,00 KM bez PDV-a, odnosno 78.975,00 KM sa PDV-om.

#### II

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

#### III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

## Obrazloženje

Odlukom broj 02/12-19-6477/20 od 02.4.2020. godine Općina Novi Grad Sarajevo pokrenula je konkurentski postupak javne nabavke „Izvođenje radova na adaptaciji dijela objekta i povezivanje objekta Općine Novi Grad Sarajevo i Fudbalskog saveza BiH, broj obavještenja 422-7-3-63-3-53/20, objavljeno na Portalu javnih nabavki dana 07.4.2020. godine.

Zapisnikom o otvaranju ponuda od 20.4.2020. godine Komisija je konstatovala da je u predviđenom roku, u propisno upakovanim kovertama, pristiglo pet (5) ponuda ponuđača:

1. „GD Konstrukcije“ d.o.o. Mostar sa ponuđenom cijenom za ugovor u iznosu od 93.472,01 sa PDV-om,
2. „Dinalsa“ d.o.o. Sarajevo sa ponuđenom cijenom za ugovor u iznosu od 91.362,10 sa PDV-om,
3. „Sela“ d.o.o. Sarajevo sa ponuđenom cijenom za ugovor u iznosu od 93.590,37 sa PDV-om,
4. „Kolinvest“ d.o.o. Sarajevo sa ponuđenom cijenom za ugovor u iznosu od 91.877,98 sa PDV-om
5. „Gros-Comp“ Hadžići sa ponuđenom cijenom za ugovor u iznosu od 91.878,97 sa PDV-om.

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo pet ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Dinalsa“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (3) tehnička i profesionalna sposobnost, odnosno dokaz od PIO ili MIO ili Porezne uprave da ponuđač u stalnom radnom odnosu ima zaposlenog jednog diplomiranog inženjera građevinske ili arhitektonske struke (original ili ovjerena kopija sa datumom izdavanja ne starijim od 30 dana računajući od dana utvrđenog kao krajnji rok za predaju ponuda). Ponuđač je dostavio Listu osiguranih lica PU – Ispostava Ilidža broj 13-9/5-12-42-186/20 od 10.03.2020.godine a kao krajnji rok za predaju ponuda je određen 20.04.2020.godine.

Iz naprijed navedenog razloga utvrđeno je da ponuđač „Dinalsa“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (3) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „Kolinvest“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (2) tehnička i profesionalna sposobnost, odnosno ponuđač je dužan da obezbijedi opremu neophodnu za obavljanje predmetnih radova, kao dokaz dostavlja se izvod iz knjige osnovnih sredstava ili ugovor o iznajmljivanju opreme, za kamion se dostavlja saobraćajna dozvola; (original ili ovjerena kopija). Ponuđač je dostavio predugovor o najmu kamiona broj 01-87/2019 od 17.4.2020. godine, uz koji je dostavio potvrdu o vlasništvu vozila koje je predmet ugovora, a iz koje se ne mogu utvrditi karakteristike vozila tražene tenderskom dokumentacijom (kamion nosivosti do 10t), odnosno nije dostavio saobraćajnu dozvolu (potvrdu o registraciji) za kamion kako je traženo tenderskom dokumentacijom.

Iz naprijed navedenog razloga utvrđeno je da ponuđač „Kolinvest“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (2) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač ZZ „Gros Komp“ d.o.o. Hadžići ne ispunjava kvalifikacione uslove tražene u tenderskoj dokumentaciji iz tačke 3.4.1. (3) tehnička i profesionalna sposobnost, odnosno ponuđač nije dostavio dokaz o radnom iskustvu u trajanju od najmanje pet godina za jedno lice VSS - diplomiranog inženjera arhitekture ili građevine (original ili ovjerena kopija). Naime, iz Liste osiguranih lica koju je dostavio ponuđač, a koju je izdala Porezna uprava FBiH - Ispostava Hadžići broj 13-9/8-12-5-965/20 od 06.4.2020. godine ne može se utvrditi na kojim je poslovima prijavljeno lice za koje su dostavljeni dokazi da je diplomirani inženjer građevinarstva, a ponuđač nije dostavio ni drugi dokaz o radnom iskustvu (potvrdu poslodavca ili uvjerenje o podacima registrovanim u matičnoj evidenciji koji izdaje PIO/MIO).

Iz naprijed navedenog razloga utvrđeno je da ponuđač ZZ „Gros-Comp“ Hadžići ne ispunjava uslove tražene u tenderskoj dokumentaciji iz tačke 3.4.1. (3) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da preostale dvije dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji i to ponude: „GD Konstrukcije“ d.o.o. Mostar i „Sela“ d.o.o. Sarajevo. Komisija je izvršila i računsku kontrolu ponuda te utvrdila da su računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „GD Konstrukcije“ d.o.o. Mostar sa ponuđenom cijenom za ugovor u iznosu od 79.890,60 bez PDV-a i 2. „Sela“ d.o.o. Sarajevo sa ponuđenom cijenom za ugovor u iznosu od 79.991,77 KM bez PDV-a.

Tenderskom dokumentacijom u tački 1.5.5. i 5.3. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 14.5.2020. godine sa početkom u 14:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-7-3-63/20 od 14.5.2020. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „Sela“ d.o.o. Sarajevo sa ponuđenom cijenom za ugovor u iznosu od 67.500,00 KM bez PDV-a,

2. „GD Konstrukcije“ d.o.o. Mostar sa ponuđenom cijenom za ugovor u iznosu od 67.900,00 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjenje za svaku poziciju tehničke specifikacije za procenat koji iznosi konačno procentulno umanjenje cijene postignute nakon e-aukcije, tako da ponuđena cijena za ugovor ponuđača „Sela“ d.o.o. Sarajevo iznosi 67.500,00 KM bez PDV-a, odnosno 78.975,00 KM sa PDV-om, o čemu je ponuđač dostavio saglasnost dana 15.5.2020. godine.

Imajući u vidu navedeno Komisija je dala preporuku za zaključenje ugovora sa prvorangiranim ponuđačem nakon provedene e-aukcije – „Sela“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 5 (pet) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

**DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik  
mr. Semir Efendić